

GEMEENTEBULLETIN



SONDAG 14 MEI 2023

Oggenddiens om 09:00 in die kerk en aanlyn | Ds. Schoombie (4)

Familiediens om 09:00 in die kleinsaal en aanlyn | Ds. Potgieter (7)

Meditatiewe diens om 09:00 in die kapel en aanlyn | Ds. Dietmann

Aanddiens om 18:00 in die kerk en aanlyn | Ds. Schoombie

PINKSTER 2023

• **Hemelvaart | 18 Mei**

Hemelvaartdiens om 19:00 in die kerk en aanlyn. Die kerkkantoor is gesluit op Hemelvaartdag.

• **Pinkster | 21 tot 28 Mei**

21 Mei | Pinksterreeks begin om 19:00 in die kerk | Ds. Breytenbach

22 tot 25 Mei | Aandpinkster om 19:00 in die kerk | Ds. Breytenbach

• **Oggendpinkster | 22 tot 26 Mei**

Oggendpinkster om 10:00 in die kerk | Mike van Deventer

• **Kinderpinkster**

22 tot 25 Mei om 19:00 in die grootsaal | Talente en geestelike geskenke.

• **Sop na die Aandpinksterdienste**

Sop word saans na afloop van die Aandpinkster in die markplein bedien.

SEWE POTTE SOP VIR PINKSTER

Ons benodig nog sewe potte sop vir die sopbediening na afloop van die Pinksterdienste. Kontak asb. vir Christine by 082 353 9917 indien jy behulpsaam kan wees. Jy kan enige sop van jou keuse voorberei en die pot sop asseblief warm, voor die Pinksterdiens by die markplein afgee. Na die sopbediening kan jy weer jou pot in die kombuis afhaal.

KONTAK ONS

021 976 4519

WhatsApp 081 045 2428

navrae@stellenberg.co.za

www.stellenberg.co.za

GEBEDSVERSOEKE

Gebedsversoeke kan aan ds. René Potgieter by 079 893 8104 gestuur word.

DEUROFFER

Magdalenahuis

Die tehuis bied verblyf en ondersteuningsdienste aan swanger vroue wat hulself in moeilike sosio-ekonomiese omstandighede bevind.

UITREIKE: SKRYF NOU IN

Ons nooi almal wat graag aan vanjaar se uitreike tydens die Junie-Julie-skoolvakansie na Leeu-Gamka, Beaufort-Wes en Calitzdorp wil deelneem, om die aanlyn inskrywingsvorm via www.stellenberg.co.za te voltooi. Die sperdatum vir inskrywings is Sondag 4 Junie. Navrae rakende uitreike kan aan sunet@stellenberg.co.za gerig word.

ONDERSTEUNING VIR UITREIKE

Borg 'n uitreiker:

Indien jy bereid is om 'n spanlid se onkoste van R1 200 vir vervoer en verblyf te borg, kontak asb. vir ds. Schoombie by schoombie@stellenberg.co.za, of EFT die bedrag na ABSA-tjekrekening 1455 058 0011, takkode 632005. Gebruik "Uitreikborg" as verwysing. Daar is kinders uit minderbevoorregte gemeenskappe wat graag aan die uitreike wil deelneem, maar nie die inskrywingsgeld kan bekostig nie.

Bybels vir Beaufort-Wes:

Die uitreikspan wat vanaf 24 tot 29 Junie in Beaufort-Wes besoek gaan aflê, benodig bruikbare Bybels wat aan mense in die gemeenskap uitgedeel sal word.

Legkaarte en bordspeletjies:

Bordspeletjies en legkaarte word vir die inwoners in die Beaufort-Wes-ouetehuis versamel. Gee bydraes asb. by die kerkkantoor af.

Pajamas vir Karoopikkies:

Haal een van ons Pikkie-etikette van die Karootakke in die voorpotale van die kerk en kleinsaal af en volg die instruksies daarop, of kontak vir Brenda Visser by brenda@stellenberg.co.za.

Ondersteun die Annibrand-klerereeks:

'n Opwindende Annibrand-klerereeks wat musse, pette, warm baadjies en selfs 'n speelpakkie vir babas insluit, is nou te koop. Gaan kyk gerus op www.stellenberg.co.za na die opsies en plaas jou bestelling aanlyn voor 21 Mei. Die klere sal dan voor die eerste uitreik afgelewer word.

KATEGESE

ANNIBRAND JUNIOR

Graad 1-3: Grootaal

Graad 4-6: Kleinsaal

Graad 7: Jeuglokaal

ANNIBRAND SENIOR

Kleingroepe na afloop van die aanddiens om 18:00.

BREIGROEP

Die groep ontmoet op 5 Junie om 09:30 in die markplein. Bring al jou voltooide breiwerk saam. Ons gaan alles aan die uitreikspanne oorhandig.

KERKKANTOOR

SKAKELBORD

Neem asb. kennis dat die kantoor se skakelbord nie tydens beurtkrag werk nie. Stuur gerus 'n e-pos navrae@stellenberg.co.za of 'n WhatsApp na 081 045 2428.

MANNEKAMP

Jy word hartlik uitgenooi na ons mannekamp, aangebied vanaf 21 tot 23 Julie by die Andrew Murray Spiritualiteitsentrum in Wellington. Kontak asseblief vir ds. Johan Visser by johan@stellenberg.co.za of 072 603 3205 indien jy wil saamgaan.

SKATTEMARK | 3 JUNIE 10:00 TOT 14:00

Saterdag 3 Junie 10:00 tot 14:00 in die saalkompleks. Kom snuffel gerus tussen die groot verskeidenheid skatte wat te koop aangebied gaan word. Daar is ook lekker koffie, cappuccino's en wegneemetes beskikbaar.

SANGERS BY DIE FAMILIEDIENS

Daar is 'n dringende tekort aan voorsangers by die familiediens. Indien jy enige sangervaring het en bereid is om saam te sing, kontak asb. vir Riëtte Breytenbach by 076 637 9671.

KOSMANDJIEPROJEK TYDENS PINKSTER

Voedselnood word al groter en ons wil graag tydens die Pinksterweek die kosprojek 'n hupstoot gee. Plaas asseblief tydens Pinkster nie-bederfbare kosprodukte in die kosmandjies in die voorportaal van die kerk. Finansiële bydraes kan gemaak word aan: ABSA-tjekrekening 145 058 0011, takkode 632005. Gebruik KOSPROJEK as verwysing.

SOPKOKERS DRINGEND BENODIG

Ons het dringend sopkokers nodig wat weekliks of tweeweekliks sop tuis kook en dit dan in bevrore formaat by die markplein afgee. Ons voorraadvlakke by al die sopkombuise wat deur die gemeente ondersteun word, is kommerwekkend laag. Kontak asseblief vir Anene Nortier by 083 581 6930 indien jy kan help.

VATVYF-BYEENKOMSTE

By ons volgende byeenkoms op 17 Mei gaan die Nasionale Seereddingsinstituut ons meer vertel oor hulle werksaamhede. Ons ontmoet om 10:00 in die kafeteria. Bespreek asb. jou plek voor Maandag 15 Mei by Charlotte (021 976 4519). Toegang is gratis.

14 Junie - Besoek Spice Route vir 'n sjokolade-proesessie.

ASEMSKEP- GEBEDSGROEP

Elke Dinsdagaand om 18:30 in die kapel, tydens die skoolkwartaal. Enige iemand is welkom, sluit gerus by ons aan.

STELLENBERG TERAPIESENTRUM

Die sentrum bied terapie, berading en mediasiedienste deur professionele persone aan. Spraak- en arbeidsterapeute, asook 'n besigheids- en lewensafriigter se dienste is beskikbaar. Maak gerus 'n afspraak by 021 976 4519 (09:00 tot 13:00), of stuur 'n e-pos na therapy@stellenberg.co.za. Na-ure skakel 083 519 0602.

ELEKTRONIESE KOMMUNIKASIE

Op jou rekenaar:

Jy kan die bulletin en *Stellenberger* per e-pos ontvang. Stuur jou e-posadres aan sanel@stellenberg.co.za.

Op jou selfoon:

Skandeer enige van die QR-kodes om by die WhatsApp-groep van jou keuse aan te sluit en toegang tot gerieflike elektroniese kommunikasie te ontvang. Jy kan die bulletin, geestelike dagstukke en algemene nuus op jou selfoon ontvang.

Gemeente se WhatsApp-groepe



Annibrand Junior



Jong volwassenes en studente



Annibrand Senior



FINANSIËLE BYDRAES

EFT-betaling

Dit kan oorbetaal word na ABSA-tjekrekening 145 058 0011, takkode 632005.

Kontantbydraes

Kan by die kerkkantoor inbetaal word, of in die beveiligde posbus op die kerkkantoor se stoep gegooi word.

SnapScan



EDELWEISS BYBELSTUDIE

14 Mei

Spesiale Bybelstudie vir Hemelvaart om 15:00 in die braaikamer.

Handelinge 1: Jesus is nie weg nie ...!

WOL VIR DIE BREIGROEP

Die breigroep benodig kontantbydraes vir die aankoop van wol of bruikbare afvalwol. Bydraes kan by die kerkkantoor afgegee word.

VROUEBYBELSTUDIE

Die Bybelstudiegroep vir vroue kom elke Maandag om 10:00 (slegs tydens skoolkwartale) in die ou kafeeria-area byeen. 'n Biduurbyeenkoms om 09:15 in die gebedskamer langs die kapel word voor die Bybelstudie aangebied.